

ՄԵՅՐ ԵԹՈՌՈՒՄ
ԵՎ ԹԵՄԵՐՈՒՄ

ՄԱՅՐ ԱԹՈՌԻ ՃԱՐՏԱՐԱՊԵՏԱԿԱՆ

ՀԱՆՁՆԱԽՄԲԻ 40-ԱՄՅԱԿԸ

Ամենայն Հայոց Հայրապետի՝ Գարեգին Ա. Կաթողիկոսի բարեհաճ կարգադրությամբ, Մայր Աթոռ Ս. Էջմիածնի Վեհարանում, սույն թվականի հունվարի 19-ին, կիրակի օրը, հավարտ Ա. Պատարագի, հանդիսավորապես նշվեց Մայր Աթոռի նարտարապետների հանձնախմբի հիմնադրության, գործունեության և մատուցած երախտաշատ ծառայության 40-ամյակը:

Սույն հանդիսությանը ներկա էին Հայաստանի Հանրապետության մշակույթի, երիտասարդության հարցերի և սպորտի նախարար տիար Արմեն Սմբատյանը, Գերագույն Հոգևոր Խորհրդի հոգևոր և աշխարհիկ անդամները, Հայաստանի և այլ թեմերի թեմակալ առաջնորդները, նարտարապետական հանձնախմբի բոլոր անդամները, հոգևոր հայրեր և այլ պաշտոնական կյուրեր:

Հանդիսությունն սկսվեց Վեհափառ Հայրապետի սեղանօրհնեֆի աղոթքով: Գերաշնորհ Տ. Հուսիկ Արքեպիսկոպոս Սանթուրյանը, հանուն ներկաների, բաժակ քարձարացրեց՝ առաջարկելով, որ բոլոր ներկաները հոտնկայս խմեն վասն արևշատ կենաց Հայոց Վեհափառ Հայրապետի:

Հանդիսության ընթացքում գլխավորելով ռեցեպսիոն Մայր Աթոռի Դիվանապետ Գերշ. Տ. Ներսես Արքեպիսկոպոս Պողոսյանը: Սրբազան Հայրը հանգամանալից կերպով խոսեց նարտարապետական հանձնախմբի հիմնադրության մասին՝ նշելով, թե 1955 թվականին, երբ երանաշնորհ Վազգեն Ա. Կաթողիկոսն ընտրվել էր իբրև Ամենայն Հայոց Հայրապետ, ինչպիսի ծանր ու անհուսալի վիճակում էր գտնվում Ս. Էջմիածնի Մայր Աթոռը, և ինչպիսի նախանձախնդրությամբ ու գծավորությամբ կարողացավ վազգեն Կաթողիկոսն ստեղծել սույն հանձնախումբը՝ վասն բարեգարդումի և շինության Սուրբ Աթոռի: Սրբազանը մեկ առ մեկ նշեց բառասուն տարիների ընթացքում կատարված հսկայական շինարարական ձեռնարկների իրագործման մասին Մայր Աթոռի շրջաքակում, ինչպես նաև Մայր Աթոռի սահմաններից դուրս գտնվող թեմերում և շրջաններում: Իր ելույթում Սրբազան Հայրը չմոռացավ նշել անուններն այն երախտաշատ նարտարապետների՝ Միքայել Մազմանյանի, Ռաֆայել Իսրայելյանի, պրոֆ. Կարո Ղաֆադարյանի, պրոֆ. Ալեքսանդր Սահիկյանի, Կոստանդին Հովհաննիսյանի և շատ ուրիշների, ովքեր իրենց հայրենասիրական և եկեղեցասիրական պարտն են կատարել և քափ հիշատակ թողել իրենցից հետո: Սրբազանն օրհնեց նրանց հիշատակը: Ամփոփելով իր խոսքը՝ Ներսես Սրբազանը երանաշնորհ Վազգեն Ա. և այժմ Գարեգին Ա. Կաթողիկոսներին նմանացրեց Նոյնի մարգարեին: Առաջինի միջոցով Աստված կենդանություն պարգևեց դաշտում չորացած ոսկորներին և երկրորդի միջոցով Աստված կյանք ու հոգի է պարգևել Հայաստանյայց Սուրբ եկեղեցուն և ողջ հայությանը: Սրբազանն իր խոսքն ավարտեց «Եկալի շինեսցու՜ սուրբ գիտրանն լուսոյ» շարականի քառերով՝ «շինեսցու՜» հասկանալով թե՛ նյութական և թե՛ հոգևոր իմաստով:

Հանդիսության տոնական և ջերմ մթնոլորտում ողջույնի խոսքերով հանդես

եկան նախարար տիար Արմեն Ամրապյանը, Տ. Գարեգին Արքեպիսկոպոս Ներսիսյանը, Տ. Գրիգորիս Արքեպիսկոպոս Բունիաթյանը, Տ. Զավեն Արքեպիսկոպոս Զինչիճյանը, Տ. Պարգև Եպիսկոպոս Սարտիրոսյանը, պրոֆ. Վարազդատ Հարությունյանը և ակադեմիկոս Գրիգոր Խանջյանը: Բոլոր ելույթ ունեցողները դրվատանքի խոսքեր ասացին ճարարապետական հանձնախմբի 40-ամյա ծառայության մասին, ինչպես նաև անդրադարձան հանձնախմբի աշխատանքներին հետ առնչվող գնազան մանրամասների ու դեպքերին:

Հուսկ բանավ խոսք առաւ Գարեգին Ա Վեհափառ Հայրապետը: Նա մեծապես գնահատեց 40-ամյա անսակարկ և նվիրված աշխատանքը հանձնախմբի բոլոր անդամներին, որոնցից շատերն այսօր մեզ հետ չեն, քայց նրանց հոգիներն այժմ հրնվում են երկնքում: Վեհափառ Հայրապետն անդրադարձավ նաև, որ կյանքի ամենածանր ու դժվարին տարիներին Վազգէն Ա Կաթողիկոսի կողքին, հանձնախմբի կատարած գործը սկիզբը հղավ տասնամյակներ շարունակ Հայ Եկեղեցու լուծած զանգակատների զանգերի վերադադանքին և գնահատեց կատարված հսկայածավալ աշխատանքն իրրև հերոսական գործ: Վեհափառն օրհնեց հանձնախմբի անդամներին՝ հիշելով նաև այն երախտավորներին, ովքեր արդեն հեռացել են կյանքից: Վերջում Հպրոց Հայրապետը Ս. Գրիգոր Լուսավորչի Ա կարգի շքանշանի արժանացրեց հանձնախմբի երկարամյա ատենապետ պրոֆ. Վարազդատ Հարությունյանին և ճարտարապետ Պաղտասար Արզումանյանին՝ քառասուն երկար տարիներ, հանձնախմբի հիմնադրության օրվանից մինչև այսօր, անդադար և անսակարկ ծառայողներին:

Ամենաջերմ մթնոլորտի մեջ իր ավարտին հասավ այս գնահատանքի և երախտի հանդիսությունը:

ՄԱՄԼՈ ԴԻՎԱՆ ՄԱՅՐ ԱԹՈՌԻ